

Մեղադրանքն իրաւացի էր :

Գերմանիան հողերանական վրիպումների դասական հայրենիքն է :

Մակայն աւելի ահաւոր իր հետեւանքներով վրիպումն ունեցան Դաշնակիցները խաղաղութեան օրերին :

Եւ նրա հետեւանքներն անհամար են :

Երբ 1922 թուին բոցավառ Ձմիւռնիայից բարձրանում էր վախասունը կանանց ու երեխաների ու վայրագ թիւրքերը խողխողում էին աջ ու ձախ ու Դաշնակից պետութիւնների նաւատորմիդր ահարկու թնդանօթներով հանդարտ դիտում էր աննկարագրելի եղենը — նոյն օրը, նոյն ժամին, համայն Արեւելքում քաղաքակրթութիւնն էր մեռնում :

Երբ մօտ երկու միլիոն հայ ու յոյն խուճապով փախչում էին երեք չորս հազար տարուան իրենց հայրենիքից, նոյն օրերին Եւրոպան, իբր բարոյական բարձր հասկացողութիւն ջնջւում էր Մերձաւոր եւ Հեռաւոր Արեւելքում :

Առաջաւոր Ասիայում եւ մասնաւորապէս Հայաստանում կատարուածները, Դաշնակից պետութիւնների տմարդութիւնը, Եւրոպայի խարդախութիւնը, ուխտադրուժ նենգութիւնները փոթորկուած ծովի պէս յորձանք տալով անցնում էին Միջերկրականի ափերից եւ ձրգւում համնում էին մինչեւ Հնդկաստան, Չինաստան, Միջին Ասիայի մոնղոլական անապատները եւ բոլշեւիկեան Ռուսիոյ ստեպների խաժամուժներին :

Եւ ամէն կողմ նեղ աչքերով, ցցուն այտերով, հաստ շրթունքներով մարդիկ ժպտում էին ծածկամտօրէն :

«Ա՞յս է եղել Եւրոպան» . . .

Սուլթան Մահմուտ Բ.ի Պոլսի դրաւումից ի վեր (1453 թ.) Արեւմուտքը այս աստիճան նուաստացումի չէր ենթարկուել Արեւելքի բարբարոսութեան առջեւ :

Հայաստանում ու Սեւ ծովի ափերում թիւրքերը ոչ միայն հայ եւ յոյն ազգաբնակիւթիւնը ջնջեցին, ապա եւ Եւրոպան խողխողեցին համայն Ասիայում :

Այդ չէ բոլորը . Առաջաւոր Ասիայում դըրեթէ բնաջինջ եղաւ արիական ցեղը, եւրոպական քաղաքակրթութեան իսկական եւ միակ

առաջապահը երեսուն դարերից ի վեր :

Փոքր Ասիայում եւ Հայաստանում Պալլաս-Աթենասի եւ հայկական դաստուծեանց Մայր Անահիտի ժպիտը մեռաւ :

Քանի մը բութ, անկարեկից ճակատներ կռացան մի օր ինչ որ թղթերի, ինչ որ թուերի վրայ մի մեծ սեղանի առջեւ, եւ «ժողովուրդների փոխանակութեան» հրէշաւոր ծրագիրը կազմուեց : Ու մարդկային բազմութիւններ — նախրի վերածած, հարիւր հազարներով շորթեցին իրենց բնակավայրերից եւ ցրուեցին աշխարհի չորս հողմերին :

Պատմութիւնը շատ էր տեսել ազգերի խմբական շարժումներ պատերազմի կամ նիւթական կարիքի երեսից, բայց այսպէս հանդարտօրէն եւ միանգամայն առանց որեւէ անկրթաժշտութեան հարիւր հազարներով աշխատաւոր մարդիկ արմատախիլ բոյսի պէս շորթել իրենց բնակավայրերից եւ քշել դէպի անծանօթ հորիզոններ, դա վերապահուած էր կատարել այս նշովուած դարի սկզբին յաղթական Դաշնակիցների ձեռքով :

Անհետացաւ Արիական ցեղը Մերձաւոր Արեւելքում :

Եւ անհետացաւ այնտեղից նաեւ Եւրոպան . այս է, որ չի հասկացան Դաշնակիցները :

Եւ այսպիսով Հայաստանին հասցրած վէրքը մարդկութեան ու մարդկային խղճմբտանքին հասցրած վէրքը եղաւ :

Քեմալիզմը տիեզերական յանցանք է եւ Դաշնակիցները նրա իսկական պատասխանատուն :

Մեր օրերը ոճիրներով բեռնաւորուած նաւերի են նման, որոնց սպասում է մի աւերիչ մըրիկ :

Սպանել հաւատն աշխարհում դէպի հաւաքականութեան որեւէ ուղղամտութիւն . տըմարդութիւնը պաշտօնական ակտերով սրբագործել, կողոսբտել իբր խնամքին ու հոգածութեան յանձնուած որբուկը, որի ծնողները իբր համար մեռան — անհնարին ոճիր է այս եւ չի կարող մնալ անպատիժ :

Պատերազմի զլխաւոր նպատակ հռչակել մարդկութեան մի բարձր իդէալ, արդարութիւն՝ հալածուածներին, իրաւունք՝ իրաւա-